

Le Comun á ince por l'ann 2020 renové la convenziun cun la nodadoia da Raiscia, aladô de chëra che i residënc tl Comun da San Martin de Tor ciafa na reduziun sön le prisc d'entrada da jí te nodadoia, y plü avisa dl 20% por chi che á na familycard (sc'al vá altamo un n genitur cun un n möt, ciafa trami na reduziun dl 20%, sc'ai vá ma da susc él ma 10% de reduziun) y dl 10% por na entrada singola.

PLOANIES DA SAN MARTIN Y LUNGIARÜ

En dedemesaledema, ai 29 de jená, festejëia la Dlijia le dé de Sant Ujöp Freinademetz. A chësta festa inviëia i Miscionars de Steyl duc sö Oies

en mertesc, ai 28/01, dales 20.00: Devoziun a onur de Sant Ojöp
cun le Cor de dljia da Lungiarü

en mercui, ai 29/01, dales 16.00: Mëssa solëna cun le Cuartet Göma
dales 20.00: Mëssa cun le Cor de dljia da La Val

Le ploan, siur Klaus Sottsas, ne gnará nia la pröma domënia de forá a San Martin y Lungiarü, mo la secunda domënia, ai 9 de forá.

Tl'injunta a chësta plata dla ploania ciafëise ince n QUIZ chi sëis bel inviad da fá en gaujiun dla Domënia dla Parora de Dî. Por respogne ales domandes él debojëgn ch'i tolëise la Bibia tles mans y ch'i platernëis n pü' tl vangele do San Matî. Le termo por dé jö le quiz y la premiaziun gnará fissé tla proscima plata.

SAN MARTIN

Dilan ciamó dles ofertes fates en recordanza dla defunta Perpetua Valentini Rubatscher dala familia Frenner da Lovara y da Oliva Pedevilla.

LUNGIARÜ

Nos mitans y mituns dla Pröma Comuniun: Alexa Clara, Angelika Sorà y Janluca Clara, un metü man, adöm cun nüsc geniturs, da s'arigné ca al past da festa cun Gejù. Bele sëgn invinse döta la comunité la domënia, ai 17 de ma, da fá festa cun nos.

Sciöche comunité dla cöra orunse tó ite i neocomunicanc incö, domënia, 19/01 pro la gran mëssa.

Al vëgn indô perié do le contribut por le mone che pó gní paié ite te calonia les proscimes döes domënies ai 26 de jená y ai 2 de forá, do la gran mëssa. Le mone ti fej n gran sorvisc ala comunité y é dagnora dan man da vigni funziun de diljia.

L'aministrazion dla Ciasa de Palsa lascia alsavëi ch'al vëgn scirt fora 4 posc de laur por infermiera diplomada a tēmp parzial (50%), 1 post de laur por infermiera diplomada a tēmp parzial (63,16%), 2 posc de laur por infermiera diplomada a tēmp plëgn, dla cualifica funziunala VII. ter cun le prozedimēnt de mobilité danter ënc. Düc i posc é reservà al grup linguistich ladin. Informaziuns plü avisa ciafon sot www.ciasadepalsa.it o 0474 524 786.



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - klcottsas@yahoo.de
siur curat Heinrich Perathoner 339 6574213 (calonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194



19.01 – 26.01.20 nr. 8

ultimo termo por comunicaziuns: jöbia dales 20.00

2ª DOMËNIA IA POR L'ANN - A

Vangele do Jan 1,29-34

Jan Batista á odü le Signur che ti gnô pormez y al á dit: Ciarède, l'Agnel de Dî, che tol demez le picé dl monn. Èl é chël, de chël ch'i á dit: Do da mè vëgnel n ël che m'é danfora, deach'al é dan da mè. Ince iö ne le conesciö nia; mo i sun gnü y i batiëi cun ega, por ti al fá conësse a Ísrael.

Y Jan á testimonié:

I á odü le Spirit gnon jö dal cil sciöche na colomba y ston sön ël. Ince iö ne le conesciö nia; mo ël, che m'à mené a batié cun ega, m'à dit: Sön chël che t'odaras gnon jö le Spirit y sön chël ch'al sta, chël é che batiëia cun Spirit Sant.



Les parores che Jan Batista á dit mostran sön Gejù é rovades tla mëssa.

Al é les parores "Agnel de Dî ...", che le prou dij dan la comuniun.

Gonot é chëstes les parores ch'i aldi le plü ion:

"Agnel de Dî, che te toles demez i piciá dl monn, ais pieté de nos."

Ares me dij ch'i pó ester sciöch'i sun: cun le pëis de duc mi piciá, zënza messëi desperé. Deache Gejù á tut sön ël mia colpa.

Le significat dl "Agnel de Dî" ne vëgn incö bëgn da tröc nia plü capí, porchël é important da le tlari:

Gejù á tut sön ël mia colpa y l'á paiada cera.

Le prisc ch'al á paié é sté súa vita; tan tröp t'invalô la jënt.

Jan Batista n'á nia presenté Gejù sciöche n gran pordicadú o un che varí y fajô mirachi, mo: Ciarède, chësc é l'Agnel de Dî.

Chësc é por ël important y ince por me. (Image)

EDEMA LITURGICA	SAN MARTIN	LUNGIARÜ	 DOMËNIA DLA PARORA DE DÎ ai 26 de jená Papa Francësch á detlaré la IIIª Domënia dl ann de dlijia sciöche "Domënia dla Parora de Dî". Al s'aoda dër che chësta domënia vëgnes dedicada ala meditaziun y ala incundaziun dla Parora de Dî. Al tol l'impuls dal vangele do san Lûca 24,45 olache Gejú ressorí ti aparësc ai discepuí y ti spliga le significat dles Scritöres. Chësta domënia dess daidé la comunité dla Dlijia da sintí dötaurela la presënza dl Ressori che nes deura le tesur de süa Parora y che ó chi sunse incundadus y testimoni de süa gran richëza. L'audanza dl Papa é che la Domënia dla Parora de Dî vëgnes zelebada te na forma solëna. Porchël él important che le liber dla Sacra Scritöra o le Lezionar vëgnes dala gran mëssa porté cun solenité te dlijia y intronisé sön alté, por che i fedei capësces le valor che la Parora de Dî á por la vita cristiana. En chësta domënia dessel ince gní alzé fora le sorvisc important dl'incundaziun y di leturs. Sciöche le Signur é presënt tl Pan y tl Vin Consacré, insciö él ince presënt te süa Parora che ël nes dij y che nes inviëia da respogne cun nosc dilan, nosta lauda, nosta oraziun y nosta vita.
19.01.2020 2ª DOMËNIA - ANN A	9.00 Corona por vocaziuns 9.30 Gran Mëssa dla comunité fam. Paul Sorà, Pespach + + Pescosta, Ju <i>Oferta por scialdé la dljia y la colonia</i>	7.55 Corona por + Pire Clara 8.15 Gran Mëssa dla comunité	
20.01.20 Lönesc <i>Bostian, Fabian,</i>	15.30 Mëssa a Picolin en onur de San Bostian Novëna a Sant Ojöp da Oies		
21.01.20 Dedolönesc <i>Agnes, Ines, Meinrad</i>	19.30 Mëssa Albert Trebo dl ann + Mariangel Tavella + Maria Dapunt Erlacher + Pepi Dejaco, Larjëi Novëna a Sant Ojöp da Oies		
22.01.20 Dedemesaledema <i>Vinzenz, Teodolinda</i>	a ciasa: Novëna a Sant Ojöp da Oies	7.30 Mëssa 2ª de sopoltöra de Pire Clara + Frieda Huber Clara + Franz Frenademetz	
23.01.20 Jöbia <i>Heinrich Seuse, Eugen</i>	7.30 Mëssa + Bino Pedevilla por les püres animes + Paola Ploner Trebo Corona por vocaziuns y Novëna		
24.01.20 Vëndres <i>Francësch da Sales, Vera, Arno</i>	18.30 Adoraziun chîta 19.00 Adoraziun deboriada y Novëna	7.30 Mëssa + + Paul y Emma Mischi por les püres animes	
25.01.20 Sabeda <i>Converjiun de San Paul, Susanna</i>	15.30 Mëssa tla Ciasa de Palsa 18.30 Mëssa prefestia + + dla fam. Albert y Rosina Moling dl ann + Pire Unterweger + + + Albert, Emma y Artur Conrater dl ann + Pire Tavella de Cëch Novëna a Sant Ojöp da Oies	20.00 Mëssa prefestia 3ª de sopoltöra de Pire Clara dl ann + Veronica Costa fam. Carlo Castlunger + + dla fam. Carlo Castlunger	
26.01.2020 DOMËNIA DLA PARORA DE DÎ <i>Festa de S. Ojöp da Oies</i>	9.00 Corona por vocaziuns 9.30 Gran Mëssa dla comunité cun intronisaziun dla Sacra Scritöra en onur de Sant Ojöp Freinademetz Novëna a Sant Ojöp da Oies	7.55 Corona 8.15 Gran Mëssa dla comunité cun intronisaziun dla Sacra Scritöra en onur de Sant Ojöp Freinademetz	